

Singes ; elle leur suggéra un stratagème très-plaisant qui a réussi encore à beaucoup d'autres qui sans doute ont à cette Déesse des chasseurs l'obligation de l'invention.

Non canibus, non his capienda est Simia telis ;
Fraude opus est, Virgo, solâ nam fraude tene-
tur

Ingenio versuto animal magis omnibus unum.
Ergo agite, ô comites, siquidem vos tanta cupido
Venandi incescit, prius arcum, habilemque pha-
retram

Ponite, deinde canes arcibus constringite vinclis.
Tum plenas visco, atque tenaci glutine testas
Huc adferite ; aliquas quoque limpida compleat
unda :

Ferte minora etiam, quæ crura includere pos-
sint

Cercôpes, lento prius illicita tegmina visco.
Dixerat, & Nymphæ celeres mandata facessunt,
Jamque statim positis armis, canibusque ligatis,
Cum testis ocreisque adfunt ; & tunc simul om-
nes

Invigilant cautè, versantque in pectore tech-
nas,

Ipse præit Dictynna, deasque hanc edocet artem.

Ergo ubi in aspectu, patulæque sub arboris
umbrâ

Consedere, pedum pars tegmina cruribus aptat,
Altera depromptis è testâ perluit undis
Ora manusque ambas, & tota in fraudibus hæret ;
Dein omnes monitæ densâ se fronde recondunt.
Parva mora est, ramis simul undique Simius altis
Desilit, ignotasque ocreas, sua retia, lætus
Induit, expositoque inducit lumina visco,
Infelix animal ludit, gaudetque periculo.
Exsiliunt latebris Nymphæ, prædamque prehen-
dunt,

In mediâ capiuntque fugâ ; jam nulla salutis
Spes superest, vasti cercôpes fraude tenentur.
Mirantur Dryades formam, naresque repressas,
Oblongasque aures, crispamque volumine caudam ;
Mirantur similes humanis artibus artus.